



Presbyterian Church in India (Reformed)
Messenger
Vol. XXI | No.02 | February 2012.

THUMNA TOH THUKHUN INKUAN
HATSAK IN



Editor:
Rev. Khen P. Tombing

From:

The Editor
PCI Messenger
Presbyterian Church in India (Reformed)
Head Office: New Lamka (H)
Churachandpur - 795 128
Manipur, INDIA
(Box-32)

To:

BOOK POST

messenger

Editorial Board

Editor

Rev. Khen P. Tombing

Jt. Editor

Rev. G. Pau Muanthang

Circular

C. Biaklun

Contact:

Rev. G. Pau Muanthang

☎ 8974957967

Head Office: PCI (R)

Box-32, New Lamka (H)

Churachandpur-795 128

Manipur, INDIA

website: www.pcireformed.com

asunga thu omte -

Thukhun inkuan hatsakni - 01

Saptuam heutu leh Upa di zaw - 04

Thumna thukhun inkuan - 09

Na hondamna ah kipak gige in - 11

Thu tuamtuum - 13

Kho lum leh khovot - 14

South Asia Reformed Fellowship - 15

Pathian kiang tunni - 19

Subscription fee:

Kha khatin Rs. 10/-

Saptuam website thak:

<http://www.pcireformed.com>

a a hon sep touh theihna dingin thumsak ni.

February 20 Tuni Zomi Nam Ni ahihtoh kiton in munchih a om Zomite Pathian phawka, hindan siangthou leh diktata hin theihna dingin kipumpiak in thumni.

February 21 Rev. Lian C. Tombing tu in US ah ministry report leh funding in om lel a, hong lohchinna didng thum ni.

February 22 Saptuam sunga thukin leh poimoh leh sep ding omte ngaihtuah mengmeng thei dia bawl khiak a om PAC committee memberte a dingin thumsak ni. Saptuama ding thupoimoh tuamtuumte a gen kia hilou a maban saupi mukhol kawma planning a hon bawl theihna ding un thumsak ni.

February 23 Head Office a sem, Edler V. Nunlian in a mohpuakna ginomtak leh gahsuahtaka a hon sepkiak touh theih zel na dingin thumsak ni.

February 24 Head Office asem Elder L. Hangthanmang in mohpuakna ginomtak leh lohchingtaka a hon sepkiak theihna dingin thumsak ni.

February 25 Head office a sem Elder C. Thuamzakai leh C. Biaklun ten a mohpuakna uh lohching leh ginomtak a ahon sepkiak theihna ding un thumsak ni.

February 26 Pastor T. Liankholal Delhi ah saptuam kemin om lel, lohching leh gahsuahtak a hon septheih na dingin thumsak ni. Huan a innkuante a dingin leng thumsak ni.

February 27 Rev. H. Chin Thian song, Coordinator (missions) mohpuakna len in a mohpuakna lohching leh gahsuahtak a a hon sepkiak touh theihzel na dingin thumsak ni.

February 28 Pastor P.L. Thanga Thanlon station a nei in bialtu Pastor in om lel, a kep saptuamte a dia khalam pitu muanhuai leh gahsuaah ahong hihtheihna dingin thumsak ni. A zi leh a tate a dingin leng thumsak ni.

February 29 Tuni February kha bei nitan honpi kai i biak pa Pathian min i phat hi. Kha thaka amaha dinga kipumpiak sem leh Thukhun Innkuan Hihatsem na dingin "Thumna" toh Thukhun Innkuan hihatna dingin panla ni.

February 10 Pastor G. Suanzalam Singngat pansan in Simbuk, S. Thadou veng bialtu pastor in om. A sepna a lohching leh gahsuaah a hong hihtheihna dingin thumsak ni. A zi leh ta a dingin leng thumsak ni.

February 11 Pastor M. Thangkhan muan Mata pansan in bialtu pastor in om, a sepna lohching leh gahsuaah ahong hihtheihna dingin thumsak ni. A zi leh tate a dingin leng thumsak ni.

February 12 Pastor K. Vungkham Mualkoi pansan in bialtu pastor in om, amah saptuam kepna a lohching leh gahsuahtak ahong hih theihna dingin thumsak ni.

February 13 Pastor Intern V. Khamzamung, Senior pastor K. Vungkham toh kituah in Mualkoi pansan in nasem, lohching leh gahsuahtak a hon septheihna dingin thumsak ni. Huan a zi naupai, kichup louh ziakin nau tamveitak lamzuih in sia, tutung bek a lohchingtak a nau hon neih theihna ding un Pathian kiangah thumpih ni.

February 14 Pastor Douseh Thing kangphai pansan in bialtu pastor in sem, lohchingtak leh gahsuahtak a Pathian' gam nasepna a hong pai touh theih zelna dingin thumsak ni. Huan a Zi leh tate a dingin leng thumsak ni.

February 15 Pastor M. Khamlianmang Rayburn pansan in bialtu pastor in sem, a sepna lohching leh gahsuahtak a hon sep theihna dingin thumsak ni. A zi leh tate a dingin leng thumsak ni.

February 16 Pastor Intern G. Kamchinthang leng Rayburn pansan in Senoir pastor M. Khamlianmang toh kituahin sem. A sepna lohching leh gahsuaah a hong hihtheihna dingin thumsak ni. Huan a zi leh tate a dingin leng thumsak ni.

February 17 Pastor K. Muankim Olive pansan in bialtu pastor in pang, a saptuam kepte adinga makaitu muanhuai leh lohching a hong hihtheihna dingin thumsak ni. Huan a zi leh tate a dingin leng thumsak ni.

February 18 Pastor G. Vung sangmung Zenhang Lamka pansan in bialtu pastor in nasem, saptuam kepna leh maikaihna a pastor lohching leh gahsuaah a hong hihtheihna dingin thumsak ni. Huan, a zi leh tate a dingin leng thumsak ni.

February 19 Rev. Lian C. Tombing Coordinator (ministries) mohpuak na leh Covenant children's home enkaina na hohtak leh gahsuahtak

Editorial:

2012 THUPI: "THUKHUN INKUAN HATSAK SEEM KUM"
-V.Nunlian

Zekai sim bang mahleh tukum thak adia hiai laibuta (messenger) a iki muh masakna uh ahihmanin kumthak chibai!!

"Kum teng a gahsuaah mang lou, akilawm dan lel a thupi neih veu ka ning tlat. Huai bang geih in khawmpi a thuhoih pi-pi pass a sepsuaah mang louh (aom leh) le ka hua!! Zahtak huai deuhte tung a dan heikawi a, pauthei mangloute tung a dan khauhtak a paisak (huchibang aom leh) le Pathian thu-awi vai kasa kei." Hiaibang ngaihtuahna ka neih lai in phone ah message khat ahong lut a, company-te higeet venchin chia ka et zok kei leh, heutupa Khen apan ana hi a, Tukum 2012 thupi toh kisai a pan lak didan tuamtuamte ahi.

Ka ngaihtuah vung-vung a, hon khoih fuh sim zaw ahi dia, hiai bang ngaihtuahna ka hon nei kheta hi. Hiai kum teng thupi pen heutupa sepkhia di, coordinatorte, pastorte leh upate sepsuaah di, leh amaute' pan lak siam leh siam louh a i thupi uh gahsuaah/gahsuaah lou didan a ka koih khak sek ziaak a ngaihdan khauhtak ana nei khial kha sek ka hi chih ka phawk suah hi. Huchi'n kei' mohpuak leh sepkhia theih Chiang hi a ka theih, inkuan kikhopna ah *"Kumthak 2012 zingkal in kikhopna i nei di ua, kuapeuh in kumthak resolution (kumthak thiltup) puankhiakna hun i zang ding uh"* ka chi hi.

Kei kumthak 2012 resolution tuh,- Nikum a Bible ka simsuak man louh

omlai teng simsuak a, tukum a khatvei simsuak thak ding, zingkal devotion (Inn/Biakin) neihzom ding, thohlawm a niampen a cheng 10 thoh sawm ding, ginna thuchiam haksaka sak lam deuh mah chiam ding chih ahi a, niteng khosakna lam ah ka omna uh tui haksat toh, numeite khut kia a ngak louh a, tui tawi zeel ding, inn zuut ding chihte ahi. Ka inkuante'n leng Pathian adia thiltup a neihte uh a hon gen ua, khenkhat in lupdek teng a thumna neih taak ding achi ua, hiaipen khenkhat adi'n hou mahmah maithei. Himahleh amau toh kikhom in thupukna hoih leh manphatak ahi chih ka mukhia hi. Lup dek thumna nei gige-te adin houchik ahi a, a nei ngeiloute adin bel

thilthak, manpha leh kalsuanna chi khat ahi. Jesu'n thohlawm tampi (neih val) thohte' sangin meithai nu'n tomchik a hihtheihsun apiak pen akipahpih bang hi'n ka ngaihsun hi.

Kei hi in, akua hitaleh kam a genkhiak bel i siam un baihlam i sa ua himahleh a sepkiak a haksa hi. Christmas chiang a biakin leet zeen a kikhawm a, huchih louh kal a vang phelphual a i tut bang deuh un, ahun sawng teng kia pawng hat (*luita tui khan*) in phattuamna a nei mang kei hi. Huaiziakin hiai thupuknate ka inkuante'n ahih zeel na uham chih enkaitu ding tuh kua dang hilou in kei mahmah ka ki poimoh sak a ngai hi. Naute, bawite na thum zom zeel uhia? Na thupukna na seem zom zeel hia? Chi-a delhzui na nna pen midang hilou, kei mahmah ka inti poimoh (lusei pau) a ngai hi. Haksa a sak nni ua tawsawn a, makaih pen inkuan a PA/NU (*abiik in pa*)-te' mohpuak ahi.

Joshua laibu ah Israel nam khenkhat in maitam amau in akidoh ua, a tate' muh di in Pathian kiang ah kipahtu genna hun a zang uhi. Mun tuam a om a Israel pihte mah un hiai thu a zaktak un Siampu leh mi bangzah hiam a sawl ua, "*Nou bang thu a maitam kibawl na hi ua,*

Akan khelhna ziak a mi tampi sih bang un, tu in leng na thilhih khelh ziakun Pathian in kou toh ahon gawt khawm kha ding" ava chi uhi. Huai hunlai a bel Levi-te tel lou a maitam mahni utthu a kibawl phallouh ahi. Himahleh huai Israel maitam bawl te'n "*Ka thilhih uh thilsia tum ka hi kei ua, namdang pathian bia le ka hikei uh, Mosi in Pathian thu zui a, ka tate uh sinsak din ahon hilh a, huaiziakin ka tate un I pa te'n Pathian be taktak mah uh e, chia a mit ngei ua amuh di ua Pathian ka biak uh ahi"* chi in ana dawng ua, thilhoihtak ahi chih a theih chiangun Siampute'n leng lungkim tak in apaikiksan uhi.

Hiai hunlai a Israel te'n Pathian alau ua, abia ua, atate uh a sinsak ua, atung a i gen tak mahbangin thu kia gen lou in thilhih in a tate uh a sinsak uhi. Hiai hunlai in Pathian in agam uah galmuanna a pia a, nuamsa leh niang tak in a khosa uhi. Tate zuih theih, etton taak hinkhua zang a thukhun inkuan hat seem na dia pan i lak ding uh ahi. Hiaithu ka gen hang in kei pen a chin mahmah ka hikei, inkuan etton huai tak a enkol zou le ka hi teuh kei. Himahleh pan ka lak touh tran-tran ding ahi.

Pathian' thu-awi i chih, Pathian thusehte bang a gamta/zui chih in a gen chiang mahmah hi (*Kei ngaih in*).

PATHIAN KIANG TUN NI

February 1 Tuni Kha thaka Pathian in a hon pikai ziaKin Pathian kiangah kipahtu genni. Pathian vualjawlna tampi kilamen kawm leh amah a dinga naksem apang dingin thumin kipiak thakna nei ni.

February 2 Rev. G. Pau Muanthang, Delhi ah maban further study na ding toh kisai in entrance exam nei in om lel, a hong lohchinna dingin thumsak ni. February 4 in hong kik ding, a khualzinna lohching leh lamzangtaka inn hong tunkik theihna dingin thumsak ni.

February 3 C o m p a s s i o n International toh sepkhawmna ziaKin heutupa Khen a langlanga meeting leh training dinga zin vialvial, a mohpuakna lohching leh gahsuahtaka hon sepbuching theih na dingin thumsak ni.

February 4 Pastor Dalchin Tonsing leh a Innkuante N.E. Khodungsei saptuam pansanin bialtu pastor in om uh. Saptuam kepna a khalam a lohching leh gahsuahtak a hon kep theihna dingin thumpih ni. Huan, a innkuante, a zi leh tate a dingin leng thumsak ni.

February 5 Tuni piching Sunday School kipat ni a hih toh kiton in muh chiha om saptuamten

lochingtak leh gahsuahtak a hiai Kilakna Laibu i sin ua, Kilakna laibu a mi siangthoute gualzohna a tan bang ua ei ten leng i hamphat pih theihna dingin thum ni.

February 6 Intern Pastor K. Zamkhansuan Sinzawl pansanin senior Pastor Dalchin toh kithuah in om uh. A sepna lohching leh gahsuahtak a hong hihtheihna ding leh a zi leh tate a dingin thumsak ni.

February 7 Pastor Kawlkhum Mualnuam, Songtal leh Kaihlam bialtu pastor in om lel, amah leng a sepna lohching leh gahsuahtak a hong hihtheihna ding leh a innkuante ading in om uh.

February 8 Pastor G. Paukhansiam, Lungthul (T) pansanin Lungthul (L), Tuima leh Sialbu bialtu in om, khalam a saptuamte pitu leh makaihtu muanhuai ahong hih theihna dingin thumsak ni. A zi leh ta leh a innkuante ading in om uh.

February 9 Pastor V. Suankham C. Tuiveljang pansan in Sungdoh, Enpum leh Maukot bialtu in om, Pathian saptuamte kepna a loching leh gahsuahtak a hong hihtheihna dingin thumsakni. Huan, a zi leh tate a dingin leng thumsak ni.

Thingkangphai PCI in Pasal Bible Camp zang.

January 12-15, 2012 sung Thingkangphai Presbyterian Church in, Pasal Camp nei uhi. Hiai camp sungin Evan. Kakai thugenpi leh Counselor dingin Thangeu panga, huan Camp director in Pastor Douseh pang hi. Hiai camp ah pasal 17 camp ah giaklut uhi. Pathian pina toh camp lohchingtak in January 15, 2012 in zouta uhi. Biakinn kai ngeilou, Zu leh sa a kibual mi hunkhopin, kilatkhiatna leh halhthakna nei uhi. Hiai ding toh kisai in Innsuan leh mimal mal in amau hihtheihna lam: Meh ding, Singpi leh Ann huanna ding vanzatte thokhawm banah a sumtangan Rs. 9700/- vel kaikhawmin hiai Camp lochingtak leh gahsuahtak in zouta uhi.

Kipathu genna

Lungthu (T) Presbyterian Youth Fellowship ten neihsa bangmah nei lou himahleh Camp poimoh sak ziakin camp neih ding ka thupuh uhi. Awlmoh na lianpi toh camp hun ding a she December 15-20,2011 sung Evan. P. Thonkhansuan thugen pi a zangin PYF Hotdamna camp Pathian ompihna toh lohching takin ka zou thei uhi. Camp hun sungin Tuailaite nu leh pa khalam a bah leh nungtolhte phot dinga om in Tuailaite lakah kha khanlohna thupitak hong tungin hotdam hih kitheih chian mi bang zah hiam ki om hi. Toupa min phatin om hen!

Kha mangthangte itna leh vei na ziaka thilpiak tuamtuam a hon panpih tute tengteng kiangah kipathu ka hon gen in ka kipak petmah uhi. Noute thil phalna ziaka hiai bang hamphatna tang ka hihman un thil piaka hon panpih tute tengteng kiangah i Messenger tawnin kipathu ka hon gen uhi.

Toupan a vualjawlna in noute hon vuk chiat zel hen aw. Mi malmal te kianga kipathu hong gen theilou ka hihman un hiai honna pomsak dingin leng ka hon gen uhi.

PYF te sik leh tangin

Sd/-
(Pastor. G. Paukhansiam)
Camp Director
Lungthul (T) PYF Camp.

Inkuan, khotang leh i nasepnate ua ginom a, Pathian deihdan i zuih ua, a thupiakte lungtang a kem a i ngaihpoimoh uh Pathian kipahlam ahi. Huchibang a Toupa' thupiak leh dante haksa sapi-pi a i zuihna pen tak khah Pathian' thu-awi (Kristiante) ihihna uh ahi. Biakin i kai gige chiang ua Pathian thu awi (zui) ihi teuh neuh seuh kei ua, i hinkhua, i niteng hindan a i om a, i tu-te, it ate, i inkuante i sinsak chiang a Pathian thu-awi hitak-tak pan hihang.

I thupi uh "THUKHUN INKUAN HAT SAK SEEM KUM" chih bangle huchilou a i gelh chiangin chiamnuh a bawl thei pawl i om manlah uhi. Thukhun inkuan hih hat kum a kichih chiang in "hih hat" chih pen style tuamtuam a gen pawl a om a, "suk hat" i chih chiang in lah "suk a suk thoh" didan a chiamnuh suah thei pawl (mi kidaih) i tam uhi. I ut leh "SUK HAT KUM" chi in "HIH HAT KUM" chile a poi na aom kei, a poi pen zaw Sazuk kiput a i put ua, thupi hoihtak, lah bangmah kolok manglou a 2012 i zat liam zeel mai khak ding uh ahi. Nikum in kou inkuan in ka phattuampih mahmah ua, tukum thupi "Hatsak seem kum" chih hiven, phattuampih seem dia pan lak touh di hilou di!! Abul lam a ka gen toh kei leh kei

kong kikalh zek dia. Mimal chih in midang tung a nga mai lou-a pan i lak di uh ahi chih ka hon genta. Himahleh saptuam (belum) enkoltu Upa (abikin session) leh Pastor in hiai thupi a lohchinna dia pan lakdan i siam uh kisam sakna lianpi ka nei hi. Biakin a "Tukum i thupi uh Thukhun inkuan hatsak sem kum ahi" chia puanzak kia in bangmah a lohchinna aom kei ding.

Kristian inkuan hatna dia lampi sialtu leh belamte kemtu dia ordain (namkip) a om i hih ngal leh, tua sang a kal sang zaw i suan uh kisam deuh ngal hilou hiam chih kei na muh dan ahi. Biakin a thupuan leh committee chih lel khawng toh i hun uh subei, huai le sum thu khawng peuh buaipih hilai!! Belum (khalam) kepna toh kisai sep tak-tak na pen akua-akua in tasam hang. Upa kitel chiang a chin louh khawng zumna di aom kei, huai sangin Upa hih ringot a zum huai zaw in ka ngaihtuah. Pil thu hiam, mawl thu hiam ahikei, Toupa' nasepna zaw alem (acting) hilou in sep theih bangbang kilawp tak a sep seuhseuh ahi. A mohpuakna deih thoh ringot in bang piang kenteh. Lametna beilou, tullou leh kithadah sak mai lou in, saptuam khanna dingin pan lathak chiatni. Thukhun inkuan hatsak seem ni. Kipak e!!

SAPTUAM HEUTU LEH UPA DIING JAW.....

-Eugene H Chinzahao

'Huaijiakin ahi, huai Krit tuikulh a nang ka honnutsiat, thil hih zohlouhte na hihzoh theihna diing leh, thu ka honpiak bang a kho teng a upate na seh (appoint) theihna diingin' (Tita 1:5) Lungthul (T) khua a ka ten lai un, ECC (tu a EBC) saptuam ah KTP ah Secretary in ka pangkha a, huai hun lai in, huai khua aa dia a laisiampen ka hih jiak ahi dia, ka thakhek ngam leng a om kei ua, kei tungah Secretary hihna a tu mun mahmah a, thamlouin, Krismas leh Kum thak lop chiangin leng Local Chairman Upa Tuankhozen in programme honbawl in a chi jel a, program bawltu in ka pang mun mahmah mai hi.

Huai hun lai in, kidemna tuamtuam sai jel in, kipahman diingin Thukhun Thak bang, Biakna Late bang, Pathian Ngaih La bang leh Pathian thu kigelhna laibute khawng heutu muan tuamtuamte kiang khawng ah ka vangen jel a, amau leng honpe jel uhi. Kei ngaihdan in Pathian thu a kidemna a kipahman diingin, sikkeu, samsih, samkih, kuang, pen, sathau, nawtkuang leh adg. chihthe khawng kilawm ka sa kei hi. Pathain thu mah in Pathian thu mah a gahsuh diingin hoih leh dik ka sa hi. Huai hun lai a kipahman diing honthohtu Rev T Jam Khothang, Rev H Nengzachin, Rev S Nengzakhup leh Rev Dr B Ginneithang te khawng ahi uhi. Lungthul (T) ECC (tu a EBC hita) saptuamte a tung uah a kipak mahmah uhi. Kum khat khawmpi a Upa orden diing ka nget uleh, Pastor Pauzalang, Lungthul (D) Upa Khualgou leh Upa Luankhojam,

Lungthul (E)te a telsak diingin saptuam heutute'n a honsawl ua, huchi in, a hongkuan ua, candidate diingin kei min leng a honsim tel ua, "Kei khualzin ka hat lua a, ka sem man kei dia, candidate in hon-guang dah un" chi in ka kijukkha hi. Huchi in, candidate diingin honkoih kei ua, ka kipak mahmah hi.

Huan, January 25, 2001 in Singngat khua ah PCI(R) saptuam a dingkhia a, inn 34 vel khawng a kiphak nungin, upa orden dia candidate diingin hon-guang dek leuleu ua, "Hon-guang kei un" ka chihleh, upate'n a hon-guang teitei ua, himahleh, mipite kiangah, "Kei jaw honvote mahmah kei un" ka chi a, huchi ahih dungjuin Primary Election ah vote 4 ka mu nelnal hi. Koi saptuam hi in, a kua saptuam hileh, saptuam upa orden diing i tel mawkmawk uhi. Huan, Upa orden neih leng kin lotel leh baihlam bawl lua hi lehang a kilawm hi. Upa diing

Nigeria gamah Khristiante hihgentheih in om:

Ei ten nuamtak leh khamloutak a Khristamas leh kumthak i zat lai un Nigeria gama i Khristian pihten soisakna leh hihgentheihna ziaka sih leh man thuak in lau leh ling kawmin a misite uh ana vui liam uhi. Tuni chiangin misi 69 bang pha theita hi. Muslim gilou pawl 'Boko Haram' in hiai buaina a kigolh ahih dan kipuang ua, Nigeria phualpi vaihawmna hatlou leh kizenlou mohpaih kawmin hiai bang hiamgamna sunzom lai ding ahih dan uh leng puan beh zomah uhi. Hiai bang buaina in a sukkha deuh ahih leh Yobe state ahi a, police station thum leh biakinn nga halsia in, kholak ah zalentak leh huham takin thaukap ua, zankhovak in khuate luhin mite that uhi.

Huchiin ut leh utlouh thu hilouin miten mun bitzaw ding lametna in a inn leh loute nusia in galtai uhi. Government lam apan panlakna in ni tum apan nisuah kikal curfew puan in oma, Nigerian Red Cross te thupuan danin Damaturu khopi kia ah 65 si hi. Nigerian President Goodluck Jonathan Khristian leng hi in hiai bang buaina ziakin a sanggampa kitenna a tel ding thulhin zinkhe lou a "hiai bang buaina bawlte tuh Muslim taktak hilou ding hi, a ziak tuh muslimte a dia ni siangthou poimoh Eid Al – Adha (ankuang siangthou lat hun) hun a hiai bang hiamgamna nasem ahihziakun chi hi. Thumpihni.



Main speaker: T E Ron shaw:

1. –The love of God-the foundation of Grace.
 - Surrender the response of grace.
 - Repentance the posture of grace.
 - Assignment repentance
 - Faith expressing itself through love
 - prayer in the language of grace.

Supplimentary reading:

- *Gospel driving sanctification -*Jerry Bridge*
- *The performance treadmill -*Jerry Bridge*
- *Gospel ministry and Idol -*Tim killers*
- *Imitating Christ in love and forgiveness -*Ron shaw.*
- *Power, Authority and Deity of Christ -*Ron shaw.*
- *Prayer. -*John Calvin.*

I pawl pi leh lamkai te deih sahna tang khompi lian ka va jatna ah, lungdam huai ka saa, tampi in ka pha tuam pih.

Ka kipak e

Pastor T. Liankholal.
New Delhi.

tuh tel diing ahi kei a, sehthoh diing ahi, chih Laisiangthou ah a kigelh hi. (Tita 1:5). Huan, namkipna (ordination) bang leng kin luat diing ahilhloh dan Paula in Timothi kiangah a gen hi. (1 Tim.5:22). Huan, saptuam upa diing jaw ging thak mi ahi diing ahi kei, chi in Paula in 1 Tim.3:6 ah a gen hi. Huai kia thamlouin, "Huaite leng chet in om masa uhen" (1 Tim.3:10) chih ahi. I lak uah upa orden, saptuam heutu leh pastor nungakmi, jute dawn a kham jel, nekguk lah khawksa lou, lehkhaden khawng kimawl thei, ut leh dah a om thanguai bangzah hiam i om mawk uhi.

Upa dia chinna diing a kigente banah, hiai thute a om jia kin, upa tel chih tuh Laisiangthou toh a kituak kei, chih a honlak a, hilhchet leng a ngai kei hi. Hilhchet ngailou a mawltak leh chiantak a Laisiangthou in a gen ahi. Nasepte 20:28 sim lechin, Paula in upate kiangah, "Kha Siangthou in nou heutu in a honbawl" a chi hi. Laisiangthou honsinsak dan a i pailouh jia kua, saptuam sung a upa leh heutu dia i telte uh diklou a, saptuam sung nawngkai gige hi diingin ka gingta tinten hi.

Huaijiakin, saptuam heutu leh upa diingte chinna diingte zuih zohlouh tampi a om a (1 Tim.3:1-10; Tita 1:6-9). Zuih zohlouh a theihsa sem diingin kei jaw upa orden chihte ka ut kei hi. Evangelical i hi uh chih bang, reformed i hi uh chihte bang i thangsak viau ua, bangchi evangelical, bangchi

reformed i hi ua? Hiai toh kisai in, upa orden diingte tuh:-

1. Sehthoh diing ahi: John Calvin in upa diing sehthoh hilou a, mipi tel dia honpaipih jia kin, upate loh neilou diing, Pastorte loh nei diing leh skulpte loh nei diing ahi uh, chi in Saptuam Tangthu ah a na gelh ua, hiai tuh, Laisiangthou palsatna ahi. (Tita 1:5). Mipi tel diing ahi kei a, saptuam heutu Kha a dim khat in a sehthoh diing ahi a, huchi in, huai a sehte a nuai a naambar kipiata bang a hih diing ahi. Chinat Pathian thu siam mahmah Watchman Nee in jong a laibu bawl khat The Church and its purpose chih a gelh ah, upa orden diingte sehthoh (appoint) diing ahildan a gelh hi. Faith Presbyterian Church, New Delhi a saptuam heutu Rev Hiralal Solanki in jong sehthoh diing ahi, a chi.

2. Etchet diing: 1 Tim.3:10 ah etchet masak diing ahildan a kigelh hi. Bang a etchet diing. 1 Tim.3:1-9 ah upate, saptuam heutute chinna diing a kigelh a, huaite juizou ahilhloh uleh hihloh thu ua etchet diing, a zuihzoh uleh upa orden dia chin ahi phot ua, candidate dia guan theih ahi uhi.

3. Ordenna kinloh diing: Paula in upa orden diingte thu ah orden kin hehu louh diing, ahildan a hilh hi. (1 Tim.5:22). Hiai in saptuam ding thak, kiphutkhe thak a om aleh, upa orden diing thu a kin hehu lou a, a tawmpen a leng kum 3 bek etchet, etkhiak masak diing ahildan hontheisak hi.

4. Ging thak mi a hihloh diing:

Kristian hita, kum bangzah hiam saptuam a kizangkhin, ettontakte ahih diing ahihdan leng i mu uhi. (1 Tim.3:6). Ging thak mi tampi upa dia zangkha i hih jiaq uh ahi ngei dia, a upatna uh suangin a kilalsak un, a kithuneisak mahmah pawl i lak uah tampi i om uhi.

5. Chinna diingte jui kim: Upa orden diingte tuh, Laisiangthou in upa orden diing leh saptuam heutu dia chinna diing a gente jui kim hih a ngai hi. A jui kim i om kei uleh, upa orden neih nailouh diing ahi jaw hi. (1 Tim.3:1-10; Tita 1:5-9). Kha Siangthou in upa orden dia a bawlte tuh upa orden diingte chinna diing a kigelhte juikimte ahi uhi.

6. Kha Siangthou in heutu dia a bawl: Telthoh tuh Kha Siangthou in saptuam heutu dia a bawl ahi kei chih a chiang hi. Laisiangthou a chinna diing kigente juikim a omleh, huaite Kha Siangthou in heutu dia a bawl ahi uh chih a chetna ahi. Huaijiakin, Kha Siangthou in saptuam heutu, upa orden dia a bawlte'n chinna dia kigente a jui kim ngeingei diing uhi. (Nas.5:1-10). (Hiai thu Ryrie Study Bible a kipan teisawn ahi)

Huaijiakin, upa orden diingte chinna diing khawng upate mah toh i houlimkhak chiangin, tulai in a chinzou kuamah ki-omlou diing ahi, Laisiangthou gelh bangbang mi kimu lou diing ahi, kijui theilou ahi, chi in, chinlouhna lam i suang mawkmawk uhi. Kha Siangthou hatkhiak a kigelh

Laisiangthou sangin mihing lemgel leh ngaihdan i thupi koih jaw uhi.

A chinlou i hih uleh, upa orden hih i utlouh mai diing uh ahi. Nasepte bung 6 a i muhte leng a tel uh ahi kei a, "Kha a dim mi 7 honzongkhia un" chih ahi jaw uhi.

Telthoh a diklouhna hiai a nuai ate ahi uhi:

1. Laisiangthou palsatna ahi: Laisiangthou in, 'sehthoh' diing chi a, ei lawi in i tel jiaq un, Laisiangthou zuihlouhna, thumanlouhna ahi. Huaijiakin, Pathian deihdan kalhna ahi. (Tita 1:5)

2. Vote zon jiaq a ching: Khenkhatte upa orden hih a ut jiaq un, vote a zong ua, a ching uhi. Laisiangthou deihdan kalhna ahi.

3. A lou theilou a ching: A mi diing om mahmah lou, a lou theilou a amah tung tu pawl a ki-om a, chin in chin kei taleh, telching mawkmawk chih a om. Hiai leng Laisiangthou palsatna ahi.

4. Tanau hauh jiaq a ching: Upa orden khenkhat Laisiangthou a a chinna diing kigente juizou leng hilou, tanau laina hauh jiaq a telching pawl i om ua, Laisiangthou palsatna ahi.

5. Hauhsak jiaq a ching: Khenkhatte mi hausa ahi ua, a maipha uh zonna in mite'n a tel mawkmawk ua, telching in a om ua, huai tuh, Laisiangthou palsatna mah ahi jel.

Huaijiakin, hichi bang khawng a Laisiangthou honhilh dan a pailou a, mihing lemgel a i pai jiaq un, i saptuam sung chiat uah buaina, lal kisakna,

The 6TH South Asia Conference of Reformed Presbyterian Fellowship 2012

Amun: *Presbyterian Theological Seminary, Deradun, UK.*

Ahun: *January 11-14, 2012*

Thupi: *Living in Grace.*

Speaker: *E Ron Shaw.*

.Deradun: Khopi nuam tah leh thoveng, India adia Tourist poimoh tah, Masouri jawtna kongpi leh, Himalaya hui khua in ajelh phah khopi ahi.

.Deligate: South Asia ; India, Nepal, Butan apan RPF member pawl tuam tuam apan mi 55 pai khom te leh PTG leh India pawl tuam tuam apan khompi sim mi bang zah hiam te toh khompi nuamtah in kimang hi.

.Bussiness meeting: Election nomination comtt. Ding a guang in ka um a, committee in aguang mi 8 lahpan, 2012 sung a RPF excutive comtt. Ding telna ki neih a, hi anuai ate telching hi uh.

<u>S/no.</u>	<u>Min</u>	<u>Portfolio</u>
i.	Rev. Paul Billy Arnold	President.
ii.	Rev. Samuel	V. President
iii.	Rev. Abisek Barla	Secretary
iv.	Rev. Roshyama	Treasurer (uncontest)

.Kum nawn 2013 RPF khawmpi na mun dingin Jabalpur, Madhya Prades ahi dinga, January 16-18, 2013 sung hi ding hi.

.Prevelege: Election nominee committee khat a pang ban ah i pawlpi a ding thum sahna hun hoih tak kava tang hi.

<u>S/no.</u>	<u>Thugente min</u>	<u>Thupi</u>
i.	Rev. Mathew Ebenezer	- Managing your financial resources
ii.	Rev. Dr. M. Chako	- Prophecy- what is it?
iii.	Rev. Dr. Chako	- Prophecy- Is it continuing?
iv.	Rev. Phil Fiol	- Suggestion on leading bible studies.

Kholum leh Vot kikhek ziaka thilhoihlou hong tung theite:

Kholum leh Vot kembittu poimohtak tuh sing leh lou ahi. Sing leh lou hoitaka kepbitna mun leh gamah vuahzu, daikai, nisa, huih siang leh kholum leh vot a hun bangbang leh a hun lellei in om hi. Himahleh tulai khovel ah hiai lum leh vot a hunlei a nei thei nawnlouin om hi. Mihing nasep: Sing phukphuk napi singnou suanbeh ngeilou, holhal, gamhal, leh louvata sing gam liantaktak kumteng a halsiat gigte ziak leh thilbawl khiakna: Factory, Industry leh Gari tuamtuamte apan meikhu, huih hoihloute ziakin kholum leh vot, leh vuahzu daikai nidang sangin a salam ah naktakin masawn hi. Nisa uang deuhdeuh, vuahzu ngeina bang nawnlou leh khovot leng uang mahmah chihte i tuaktou hiaihi in i thei hi. Hiaite sanga khawk zaw mihing a ding mahmah a siatna hong tung theite i en ding:

- Kumteng in mi 150,000 kholum leh vot ziakin sihna tuak uh. Tukum sung lel inleng Delhi leh a kimlak North India ah khovot ziakin mi tamtakin sihna tuakta.
- Huih sianglou 100 laka 70% te mihing nasepte apan ahi.
- Vuahzu kiam deuhdeuh
- Kholum ziaka vukhalte tuisuakin tuipi nasatakin khangsak.
- Huihpi vuahpi tam deuhdeuh
- Nipi nisa lua, leh Phalbi vot lua chih hong uang semsem ding.
- Kholum leh vot uatluat ziakin mi 150-200million khohun nuamzaw gam zuan uh.

Huaiziakin nang leh kei Pathian in mohpuakna a hon piak, sing leh lou leh gansate tunga thuneihna leh mohpuakna hon piakte a thaka ngaikhawk in, i poimohna omloupi, a sing leh gua sat, gamhal chihte i kidek hoih mahmah ding hi. Singnou suan, a omsate kepbit leh i gam toh kituak leh khonung kum 50, 20 a phatuam thei ding singte tampi suan dingin i kiasuan hi. I gam keu deuhdeuh, tul deuhdeuh, nisa uang deuhdeuh chihte leh khohun nuamlou leh hoihlou pipi hong om dingte i kiventheihna omte ah phatuam ngai in panla thak ni.

thuneih utna leh khentuamna in upa leh saptuam heutate'n vai a hawm uhi. Laisiangthou sinsakdan a pailou nanana tuh, chikmah chiangin, saptuam hoih chih in i om ngei kei diing uhi. Huchi ahih jiaik mah in, saptuam a belam om Pathain belam i kepte'n ettontak honsa mahmah kei uhi. Laisiangthou sinsakdan leh gendan a pailou in, Krismas, Kum Thak lop khawng chiangin, thugentu hih bang i ut zenpeuh zomah ua, kuamah i thugen uh ngaikhe ut nawnlou ua, honmusawi lotel uh ahi, chih leng mahni kitheih diing ahi. "Na omdan uleh Kris tanchin hoih kituaksak photphot un" (Phil.1:27) chih ahi. Huai in hontheihsak bang ahia? Laisiangthou chihdan in upa orden nei un, chih leng a huamkha pah hi.

Eite lakah saptuam heutu leh upa orden diing a tamjawte ut chihtak a ut hi lehang a kilawm hi. Ahihhangin, a sep diing uh, a mohpuaknate uh semkhe peih, hih peih leh sunzom jel peih leng om ngellou i bang uhi. Buai nung in, sorkalte'n langva khawng hawm in, jangna dopna sum leh pai khawng hawm diingin upa orden bangzah hiam a honzangkha ua, huaite'n ginatakin a sem kei ua, a sum khawng a enlah ua, a laksak guigui uhi.

Huaibanah, tulai in, MGNREGS sanction leh scheme a om a, huai ah leng, upa orden khenkhat gintak i bang kei uhi. Thamlouin, upa orden hi a, government a semtu khat

hinapi in, mahni sepna mun a leng om utlou in, midang peuh sawlsawn in, a loh diing ulah a khamkhop uh I khenkhiak ngam kei lai uhi.

Huaibanah, Laisiangthou ah mi a tempaina bangbang a nna hawm siausiau diing ahi chih 1 Peter 4:10 ah a kigen hi. Himahleh, upate lakah, pastorte lakah thugen lam a tempai leh thilpiak tang leng hilou, Krismas lop, Kum thak lop hun khawng in thugentu diing peuh a ut in i ut mawk uhi. Hiai leng Laisiangthou honsinsak zuihlouna, mihing lemgel a paina ahi. (1 Kor.1228-29). Mi ngaihkhiaik utte leng hilou, lalna leh thuneihna zang a (i dou diing uh hinapi doulou in) thugentu diing a program khawng a i kiguan jel jiaik un, saptuam ah khanna, gahsuahna leh masawna a om thei kei hi. (Eph.6:12).

Ahihhangin, i omna saptuam leh biakin khawng ah lah thu khawng i gen ngam miatmiat jel uhi. Department dang a semtute leng i khawk veve thou ua, nekguk tagguk lah khawk I sa kei ua, mihing mitmuh in bel ettontak hi lehang a kilawm na a, na nekguk uh, na tagguk uh mi a thei a na omkha veve a, huaite'n a hon-impituan kei uhi. Hichi bang tel i hihman un, i thugen uh a hing kei a, nam dang leh ginglou mite'n leng a honthulak kei ua, I thugen uh vailak zunthak toh a kibang phet hi.

Nekguk a i lam uh pucca building, nekguk a i lei uh motorte, nekguk a i bawl uh thil khenkhatte lantu diing bangin Pastorte leh Upate

bang i chial ua, amau houh gintak sangin Pathian min in a honglan ngam zomah uhi.

Tuni in I Pathian uh van a Pa ahi kei a, sum ahi jaw chih a lang hi. Sum ma ah Pathian I taisan ua, sum ma ah i diktat ngam het kei uhi. Sum deihtakna jiaikin, i biak uh Pathian hing leng I kihta zou kei ua, khenkhat ngial in houh, "Negu in, tagu in" chi in sorkal nasekte khenkhat kiangah i hasuan zomah uhi.

Tulel dinmun in hihfuh kisa in, niang leh tai in I ne jong un, ni khat tei Pathian in a pap a hon-guan dia, huai hun chiangin lah, kisikna chang leng i thei kei lai zomah diing uhi. Pathian in I khelhate uh hiai leitung I damsung ngei ua leng honthuk diing ahihdan Laisiangthou mun tampi ah a kigelh hi.

Nang khang in hichi bang gawtna nang na tuakkha kei maithei, himahleh, Toupa'n "Khang 3, khang 4na tan a leng phuba la theipa ka hi, a chi hilhial mah hi. (Eks.20:4-6).

Upate leh Saptuam heutute enton a om mi tampi a om uh, chih leng I theih diing uh ahi. I etton diing uh bel Jesu Kris ahi. Himahleh, khenkhatte'n upate leh pastorate, saptuam makaite honna enton lotel uh ahi, chih leng theihbeh diingin a hoihi.

Huai kia thamlouin, mihing mitmei kivenna jiaikin, tulai in saptuam makaite'n thununna a semkhe ngam kei uhi. Nungak leh tangval ki-it kingai a kiteng, kristian dan a kiteng loute

kia tungah thununna i semkhia ua, amau sang a khelhna huaisejaw, tualthat lai-at, guta, negu, khamtheih juakte tungah lah thununna I semkhe ngam kei ua, hiai in, mihing mitmei kivenna jiaik, Pathian kihtaklouh jiaik ahih banah, nautangte leh saptuam mipite aa diingin khelhna maingalna a tun jaw hi. (1 Tim.5:20; Eph.5:11; 1 Kor.5:1-13).

Hichi bang a a mohsekhu diing a upa orden i ut ua pastor hih leh saptuam heutu hih bang i ut uhi. Tulel dinmun in, en kimvel lechin kuamah Pathian mitmei veng i om bawnsan kei uhi. (Mt.10:32;33). Huaijiakin, i kristian hihna uh a dengdel a, gospel hongtun nung a kum 100 chinna bang lawm hialta hinapi in, i kristian hihna uh ettontak in a om kei uhi. Mi'n thudik a gen aleh lah, kibawlhohi lah sawmlou, a gentute peuh i hua un, i mudah maimah uhi.

Huaijiakin, unau simtu it leh deihtakte aw, upa orden leh saptuam heutu na hisate'n Laisiangthou a saptuam heutu leh upa orden diingte chinna diingte a hun lai a lah na juikha lou na hihman un, tu a kipan zuihkim teitei na tup ua, na zuih diing uh ahi.

Huchi in, Toupa Pathian in a honvualjawl dia, saptuam heutu ettontak, upa orden ettontak na honghi diing uhi. A saptuam hoihna diing deihna jiaik a i gente Amahmah in a thute honvualjawsak hen aw.

THU TUAMTUAM

Bhagavad Gita School a sinsak ahi diam?

Kum paisa apan in BJP makaih Karnataka Government in a state sunga government school te ah "Bhagavad Gita" Hindute laisiangthou sinsak ahih na dingin naktakin panla uhi. Hiai panlakna in hiai laibu copy 25lakhs mahmah leng hawm khiak hita hi. Karnataka Government vaihawmtu khat in: "India mi kuapueh ngaihtuahna chimtak nei mi in schoolte a hiai Bhagavad Gita sinsakna ding toh kisai nialna a neikei ding. Hiai laisiangthou sinsakna nialte peuhmah tuh tumlam gamte chindan deiha ngaisangte ahi ua, huai bang mite India nosia in gamdang ah pem mai uhen" a chi hi. Karnataka Education minister Vishwanth Hegde tup leh ngim bang a ahong pai touh leh Karnataka state sunga Government school peuhmahin a lou theilou in dakkal khat Bhagavad Gita laisiangthou kisinsakna a neih teitei ding uh hong hi ding hi.

Himahleh, a leh lamah nam tawm zawte'n hiai bang sahkua laibu khat school teng a kisinsak ding chih pen siamsinna inte nam leh sahkho vai a kaihsawmna ahi chi in Karnataka high court in pan alak ding ahi chi uhi.

Mohammed Imtiaz, President Minorities Federation in "Gita ka zahtaka, himahleh mi tengteng in a lou theiloua hiai laibu sim chiat ding chih pen constitution in zalenna hon piak bohasiatna ahi. Huchi ahih leh ken leng sahkho dangte tengteng kiangah Quran na sim teitei ding uh ahi chi leng a dik diam?" chi in gen hi.

Kum tamlou paita in leng BJP makaih Madhya Pradesh ah government school te ah Bhagavad Gita sinsakna, Hindute chindan a ni suahna lam nga khut bupa kun (sun salutation) leh vande mataram sak teitei ding chihte ziakin court in dalna ana bawl khinta hi.

Tu in Karnataka BJP vaihawmna government in hiai bang thugen leh hih ding hon sawm nawn pen Khristiante leh sahkho tuamtuamte a dingin valh hak mahmah ding ahihziakin, thumna ah nasataka i pan uh poimoh ding hi.

Pathian ah i kipak taktak in Habbakuk bangin TOUPA ah kakipak ding, ka hotdamna Pathian ah ka nuam gige ding i chithei taktak na ding hiam? Unaute aw tulaitakin Pathian test na tuakin, na sepna lam peuhpeuh ah lohsam in na om ahi maithei, himahleh Leitung vai ah kipahna na muhlouh hangin, na hotdamna Pathian ah kipak gige lechin hon test pa Pathianin ginomna ahi chih hon muh chiangin na sepna a leh sawm bang a leh za bangin hon din thei ahi chihlam i phawk dingin deih huai kasa hi. Ei mihing ten bel huai phawk phalouin i sepna khat peuhpeuh ah i sup chiangin, ki ngohtuah in siatlam i nawt semsem uhi. Unaute aw hiai Habbakuk in bang chi dan a, a neih a lam bei sipsip mahleh kipahna ding a na mulai ahia i chih leh, salam mita haklouin salam mit a hah ziakin Leitung neih leh lam bangchituk in hau mahleh, tangtawn daih ahikei chih a muchian hi. Zepheniah 1:18 na ah TOUPA thangpaih na ni chiangin, a dangka uh hiam, a dangkaeng uh hiam in amaute a

kitankhe thei kei ding uh. Mullitna mei in gam pumpi a ne bei dinga, hih bei ding ahizhiakin chih ana muchian mahmah a. TOUPA thangphaih na ni leh Pathian huhuam na ni a hong tun chiangin kuamah sum hat a kitan theilou dinga, Leitung pilna leh neih leh lam i chihte vut leh vai suak lel ding ahih dan a mu chian mahmah hi. Huaiziakin Leitung sum leh pai neih leh lam, gou thupitaktak te nei kei in vuaksuak mah leng TOUPA ah ka kipak dinga, ka hotdamna Pathian ah ka nuam gige ding Habbakuk in a na chi hi.

Unaute aw, nang leh ken bang a hia i kipahpih Habbakuk bangin bang teng, bang teng ah lamzang lou in, vuaksuak mahleh a hotdamna TOUPA Pathian ah akipak gige thei hi. Hiai laigelh simkha khempeuh in i hotdamna nungtolh san mailou a, Jesu Khrist ziaka kipak gige dingin i Pathian kiangah kon thumsak hi. A simkha khempeuh kumbul a ding i hih toh kiton in, bangteng bangteng i tuak zong in i hotdamna kipahna in hon zui tawntung ta hen.

THUMNA TOH THUKHUN INNKUAN HIIHAT IN

Rev. G. Pau Muanthang



Tukum a dingin a thakin Thukhun Innkuan Hihhat semna ding ngimna in kumluia i kum thupi mah uh senin "Thukhun Innkuan Hihhatsem/Hatsak sem Kum" i chih nawn uhi. Huai ahih dungjuin tu February kha a Thukhun Innkuan i Hihhat Sem theihna ding ngimna in "Thumna toh Thukhun Innkuan Hihhat In" chih thupi in i telkhia hi. Thumna i chih chiangin gendan dangin gen le hang 'Ngetna' leng i chi thei hi. Huai omdan tuh bang hiam i kul, i poimoh khat a neitu, hon petheitu leh thuneitu kianga ngen chihna leng i chi thei hi.

Ahileh thukhun innkuan hihhat sem na dinga 'Thumna' bang chituka poimoha, bangchi thum ding chihte sau louin i gen ding. Huan, thumna toh kisai a theihtuak khenkhat, thumna tengteng Pathian in dawng vek hia? Ahih kei leh bang chibang thumnate Pathianin dawnga, bang chibang thumnate Pathianin dawnglou chihte i theih poimoh hi.

1. I thumna/ i ngetna Pa theihchet: Mawltakin gen le hang, naupang khat damlouhna ziaka skul kaitheilou ding khat in a skul kaitheilouh ni pen 'absent' a om mai a absent fine a liau mai sangin, a ziak hoihtak gen in a class teacher tungtawnin headmaster kiangah kingetna (leave) a bawl hi. Bangziaka huai hih ahia? Skul dan in a ngiat leh huai kingetna pomsakthei a pomsak louthei thuneihna nei

headmaster pa a theihchet ziakin naupang skul kaitheilou dingin huai bang kingetna a bawl hi. Huaimah bangin i thumna poma hon dawngthei, hon sukpichinsak thei i ngetna Pa Pathian kichiantaka i theih poimoh mahmah hi. I ngetna pa thei chianloupi leh hun khenkhat banga gingtalou simpi a Pathian kianga thum khak theih mawk ahi. Huaiziakin na ngetpa theichian in.

2. Kizopna Hoihtak Neih: Thumna toh kisai in en Pathian i theih chet mahmah a poimoh zahzah in Pathianin ei ahon theihchet mahmah leng poimoh hi. Na theihchet ngellouhpi khatin na kiangah sum Rs. 10,000/ (abat di/a pung toh a ditnawn di) honngen ta leh na pe diam? Tam zaw thamte dawnna ding tuh "pe lou ding" chih a ngeingei ding hi. Huaiziakin Pathian kianga thumna nei a i kul leh poimohte i ngeta, hon pethei leh

i ngetna hon hih buching sak dia thilhihtheihna nei leh Hausa ahi chih muan lahna nengchik le neilouin in i ngen hi. Amah hihna leh a thilhihtheihna i theichian mahmah hi, himahleh en amah i theih mai hilouin aman leng ei kichiantaka hon theih kiphamoh mahmah hi. Huai omdan tuh gendan dangin gen le 'Pathian toh kizopna hoihtak nei' chihna ahi. "Nou keimaha na om gige ua, ka thu leng noumaua a om gige leh, na ut peuh uh ngen un, nou a dia hihin a om jel ding hi." Jn. 15:7 A thu ei aom, ei mah leng amah aom, hiai kana kizopna hoih a om kei ding. Hiai banga Pathian toh kizopna hoihtak neite thumna pen dawn louh a om lou ding chihna ahi. Hiai a 'Ka thu leng noumaua a om gige leh' chih in bang genut ahia? A theihna, a thu i lungsima 'by heart' enlou a leng genthei chihna ahi diam. Hi, himahleh hiai thuin huai sanga thukzawtham a gen ut hi. A thu eimaha om i chih chiangin: I omdan, i gamtat, i kampau leh i khosakna dan himhim 'a thu' thununna nuai a om, hih ding achihte hih, hihlouh ding/gen louh ding/nek louh ding achihte hihlou chihna ahi. Huaiziakin i thumnate dawn a aomna dingin Pathian in hoihtaka hon theih a poimoh hi.

3. Bang ziaka Pathianin

thumna dawnlouh nei ahia? Hiai dotna tuh thumna nei tamtakte dotna ahik ka gingta hi. Hiai dotna dawn theih dan tampi a om thei: Thum tam louh ziak, chihtaktaka thum louh ziak, i nget diklouh ziak, amah i muan zoh louh ziak chihte leng i thumna dawnlouhna ziak ahi thei hi. Himahleh hiaite tengteng bulpi tuh 'khehna'ziak ahi. "Ngai un, TOUPA khut hondam theilou dingin tomsakina om keia; a bill eng za theilou dingin a ngong sam kei: Na thulimlouhnate uh noumau leh na Pathian kal ua kiain a honkhen a hi, bila a jak nop louhna dingin na khelhnate un a mai a hon liahsak lai a hi." Isai 59:1-2. I lungsima khelhna im guk hiam, ahikheileh, kua hiam mudah kawmsa a thum chihte, lungsim en Pathian in hon musuak lotel ahihmanin, bang chi bangin thumin kapkap leng zong i thumnate dawn hilou hi. Tu kha sungin thumna toh i innkuan chiat lamtou in hihhat sem sawm ni. Naupang thum dan thei nailoute bang leng, thum ding dan i sinsak ua, piching a thum ngei mangloute bang leng i thum ua, thumna i hah bawl ua thumna tungtawna innkuan chiat hihhat thak dingin simtute i kingen hi.

NA HOTDAMNA AH KIPAK GIGE IN

-Nu Sialvung

Tukum 2012 bul a i din toh kitonin Pathian in thu hon piakte puangkhe thei dinga, hun lem hon bawlsak Pathian leh Editor te tungah ka kipak petmah hi.

Kumthak ni zing January 1, zing biakna kikhopna ah 'Theipi kung paak phalouin, Olive sepgimna vuaksuakin' chih teng ka lungsim ah a gingging hi. Ka kiangah U Khanching a tu a hiai Bible tang kigelhna koisan hiam chi a kadot leh Habakkuk 3:17 ahi chih hon hilh theipah hi. Biakinn kai tawpin innlam ah athu hoihtakin ka vel thak hi. Kumbul a ding ka hihmanin hiai Bible tang kei dinga ka bulh chiangin ka deihhetkei mai mah hi. Aziak tuh Pathianin hon test khak ding ka utkei hi. Habbakuk 3:17 na ah, theipi kung pakphalou in, grep quite gahlouin, olive sepgimna vuaksuakin, louten nekding piangsak louin, huang akipan gante satkhiak a om in, huang sungah ganta omkei mahleh: huchiin leng TOUPA ah kakipak dinga ka hotdamna Pathianah ka nuam ding hi.

Hiai Bible hih mihing lama supna, vuaksuakna leh lohsapna ngen a gen a. Mihing lam etin Bible tang deih huailou pen hi dingin ka um hi. Himahleh a gen ot nop pen tuh Pathian hotdamna sanga thupi zaw leh telzawk ding omlou ahihdan a gen chian mahmah hi. Huchi ahihleh unaute aw niang leh taia, i om kum bei in kial kum hong tung mah leh, kingakna dinga i lamet pen i tanu, i tapa te hiam, zik muh bangin lang mahleh; i sepgimna tengteng lohsam hiam guaksuak hiam in om mahleh, kumkhat i kingakna i loua buhte ngalin gai in gialin deng mat mahleh, i balte a lungin negai in

kum khat i lou nasepna ah nek ding piangkei mahleh, huai banah i gan vulhte, i sialte, i lawite, i bawngte, i vokte, i belamte, i kelte, i uite, i akte, pulkhin vek i huangah ganta vak muh ding omkei mahleh, i gan bukthe ah aki lawi ding omkei mahleh, hiai tengteng ah kipahna ding a omlouh lai in leng; Habbakuk in kipahna ding ana muh tuh TOUPA ah ka kipak dinga ka hotdamna Pathian ah ka nuam ding a na chi thei hi.

Unaute aw hiai ah i kingaihtuah na ding om hi in ka thei hi. Hiai tengteng ah guaksuak taktak hile hang, i hotdamna